

**Dissertatio inauguralis medica : de vestimentis ut causis morborum ... /
auctor Cristophor. Guilelm. Kaminsky.**

Contributors

Kaminsky, Christoph Wilhelm.
Friedrich-Wilhelms-Universität Berlin.
Royal College of Surgeons of England

Publication/Creation

Berolini : Typ. Joannis Friderici Starckii, 1817.

Persistent URL

<https://wellcomecollection.org/works/csnxsgtj>

Provider

Royal College of Surgeons

License and attribution

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO
INAUGURALISMEDICA

DE

VESTIMENTIS
UT CAUSIS MORBORUM

QUAM

CUM CONSENSU GRATIOSI
MEDICORUM ORDINIS

PRO SUMMIS

IN MEDICINA ET CHIRURGIA HONORIBUS
RITE ADSEQUENDIS

DIE XIV. M. JUNII MDCCCXVII

PUBLICE DEFENDET

AUCTOR

CRISTOPHOR. GUILELM. KAMINSKY
VERDENSIS.

BEROLINI

TYPIS JOANNIS FRIDERICI STARCKII.

ДЕСЯТАЯ

АДДИЦИЯ КАК ПОВОЛГА

акт

АЕТИМЛЕЗ
УТСУСМОДЮРИ

акт

СУМКОНСУСЕНАТОР
МЕДИКОВОМОДИ

акт

ИНМЕДИКАХЧИНОВНИ
ДИЗАДЕСИДИС

ДИКУМДИССАН

также языком

и оно

СЛАВНАЯ МАССА ГОМОЛОГИ

БЕРОЛІУ

ТУПІЮМІСЕВІДЕСІСТАНОРІ

VIRO
EXPERIENTISSIMO CLARISSIMO
REVERENDISSIMO
MART. CHR. KAMINSKY

MEDICO PRACTICO SUNDENSI

PATRUO SUO DILECTISSIMO

HOCCE ACADEMICUM OPUSCULUM

SUMMA CUM REVERENTIA

D. D. D.

A U C T O R.

ОДУ

ЕКСПЕРИМЕНТАЛНОЕ
РЕВЕЛЮДИСИМО

ЧИТ КАМИНКУ

БИБЛІОГРАФІЯ

ІДІО ТО ПІДСІРВІСІ

НОВА АДДІЦІЯ ОЛУСЦУЛУА

ЕУМКА ГОРДІЇВСЬКА

ОДУ

АДДІЦІЯ

*Tibi, patrue dilectissime, hasce literarum pri-
mitias dicare sum ausus; nullus enim est, cui
majori debeantur jure. Nam a teneris patre
Te sum usus omnique arte et literis me insti-
tuendum curasti, Tuaque sola benignitate et
munificentia mihi contigit, ut scientiae me-
dicae studium et aggredi et absolvere potue-
rim. Nihil est, quo major me afficiat laeti-
tia, quam quod denique mihi licuit, gratum
meum erga Te animum pro omnibus his, quae
semper in me cumulasti, beneficiis, declarare*

posse. Quare, ut hocce exiguum pietatis
documentum benigniter accipias, te rogo. **A**
Deo autem Optimo Maximo, ut diu incola-
men Te servet, et laetam felicemque Tibi fortu-
net senectutem, supplex precor.

S e c t i o I.

*De vestimentis corpori non convenientibus
in genere.*

Miramur saepe in hominibus morbos cum morbis mutari, corpora bene formata fieri informia, tantam hominum debilium copiam miserrimam sibique ipsis molestissimam vitam degere; convertimus nos ad maiores nostros fortis et validos, quorum nepotes debiles atque invalidos conspicimus, rudibusque atque incultis veterum temporum moribus sanitatis originem adscribimus; quae autem dum observamus, multiplices debilitatis causas a luxuria, majoribus nostris aliena, originem trahentes plane negligimus. De multiplicibus morborum causis, a tot perniciosis et pestiferis consuetudinibus, a variis et exitiosis voluptatibus delectationibusque oriundis, hic taciturus, eas tantummodo exponendi in animo mihi

est, quae in vitiosis vestimentis consistunt. nostris temporibus, quibus quotidie fere vestes mutantur, et quaelibet earum aliud atque novum damnum adfert, quod vel celeri commutatione, cui corpus nondum adsuetum est, vel vestium genere ipso oritur, multos eosque maximos morbos nasci naturae admodum congruum est. In quibusdam nationibus mos obtinuit, arctarum vestium tegmine, quoad fieri potest, omnes corporis artus exprimendi; et ut corpus ipsum perfectius reddatur, quam natura est, stultissime id corporis arcte comprimitur, quod deformius, et id corporis arte suppletur, quod incultius est. Quem vestiendi modum, feminis proprium, licet viros imitari vix ullus fere credat, attamen permagnam eorum copiam ambitio secum trahit, ut corporis pulchritudinem naturae contrariam producant.

Libere corpus nascitur, quod optime maiores nostri intellexerunt, veste soluta corpus induentes, cuius excolendi facultas hoc modo minime tollitur, immo augetur. Temporis tantummodo mores perditи a simplice hoc et naturae conveniente vestimento abhorrere poterant, ubi quilibet id solum, quod suo tempore vulgo probatur et placet excolere studet; ubi morum rigor, sive, ut dicunt, cultura omne liberum atque solutum cum natura

expellit. Hodie quoque nationes istas si spectes,
quarum corpus nullis vestium vinculis concluditur,
quam fortes et validae sint haud ignores. Cor-
pus arctis vestibus ut prelo inclusum impeditur,
quo minus crescat, atque excolatur, in perpetuum
debile et invalidum, morbisque maxime obnoxium
manet, immo morbi gravissimi inde oriuntur.
Sanguis haeret, ideoque a peripheria ad centrum
manat, ubi vasa sanguini affluent contra naturam
nimis parva et angusta, tunicaeque venarum
parvarum nimis tenues sunt ad sanguinem urgen-
tem sustinendum. Oritur inde congestio et eva-
cuatio, qua de re plethora et haemorrhagiae
modo adparent. Et affluxu sanguinis ad partes
interiores et arcto corporis vinculo, praecipue
thoracis, quo respiratio libere procedere nequit,
oritur anxietas, asthma, immo et inflammatio va-
riarum partium, et apoplexia, quoniam sanguis
versus caput adfluens libere remanare prohibetur.
Musculorum et ligamentorum rigor primum om-
nium arctis vestium vinculis oritur, nec minus
nervi vim suam libere exserere possunt. Multo
tamen nocentius, multo perniciosius est, si non
omnes corporis partes simul, sed singulae tantum
comprimuntur. Hic omnium fere partium con-
sensus finitur, oriturque verus dissensus; in par-

tibus pressis nervorum functio hebetatur, vasorum sanguiferorum functio opprimitur, dum in partibus solutis sine impedimento procedit, ut paucis dicam, omne corpus penitus debile redditur, parte soluta crescente, vincita autem decrescente; illic humores omnes haerent, nascuntur accumulationes aquae et inflammations; quot in hominibus hic natura, quam artibus emendare volunt, nondum finem assecuta certamini succumbit! nam corpus, quod bene formatum volebant, debile et invalidum redditur.

Sectio II.

De vestibus mulierum nocentibus.

Strophia (Schnürbrüste, Schürmieder), quae nunc temporis gestantur, scilicet ut non solum corpus recte sustineatur, sed etiam ut corpori habitus formosus et gracilis detur, maximi damni sunt, corpus enim adeo comprimitur, ut sanitati noceatur. Ratio autem, qua corpus comprimitur, maximi momenti est:

a. quoad ossium structuram, praecipue hominum nondum adultorum; costae nempe comprimuntur, et desinunt crescere, ideoque cavum thoracis minuitur. Crescentibus vero thora-

cis visceribus spatium coangustatum maximo impedimento est, quare organorum respirationis extensione impedita asthma, dolor et angor oriuntur. Simul etiam sternum in mediastinum anterius premitur, eoque ipso modo thorax coarctatur, atque huic malo momentum occasionale affert. Comprimuntur etiam ossa pelvis, et os pubis et vertebra eminens, quomodo linea conjugata minuitur, et in edendo partu transitus capitis valde praegravatur. Premuntur insuper ossa innominata, quo linea transversa pelvis superioris admodum comminuitur.

b. permagnam vim pressura strophiorum exercet quoad sistema sanguiferum et musculare. Exteriora corporis vasa comprimuntur, affluxus et refluxus sanguinis liber turbatnr et sanguine ad partes interiores manante oritur, ut jam supra dixi, plethora, haemorrhagia, et congestione ipsius ad pulmones inflammatio, quae demum in phthisin transit. Corpus nutritri nequit, tenue et rigidum fit, dum extremitates crescunt.

c. permagno damno strophia systemati digestio-
nis sunt. Ventriculus haud bene digerit, et strophiorum pressura sensibilior redditur, ita

ut nunquam non cardialgia oriatur. Spleni et lieni maximum affertur detrimentum, ita ut inflamatio, morbi biliosi, et in liene intumescentia inde nascantur.

d. inflammationes topicae oriri possunt, ut in mammis, facillime in scirrum et cancerem transeuntes, ubi tandem extirpationem fieri necesse est. Comprimuntur praeterea papillae mammarum, ita ut mulieres infantibus nutrimenta mammis dare nequeant.

e. nervi etiam stropiis prementibus valde afficiuntur, ut supra jam dixi.

Multo majoris damni strophia in puellis nondum adultis sunt, in corpore nondum adulto sanitatem omnem turbantia et corpus debile redudentia.

Nonnullis nationibus et inferiori quidem ordini mos est, plures et quidem aliam super aliam, aut multifariam plicatas e panneo vestes gestandi, quae super ossa ilei parvo in pulvinari suspensuntur, quo quidem damnosissimo vestimento ossa ilei propter tantum pondus vicissim removentur, majorque pelvis diameter dilatatur, abortuique disponitur. Cui etiam accedit, quod illud vestimentum molles corporis partes, praecipue intestina, nec non in gravidis uterus magnopere

comprimat. Eodem hoc pressu digestio quoque impeditur, nec parvi est in gignendis herniis momenti, quippe cum intestina pressa omni vi in inferiorem pelvis partem urgeantur, ubi minime ipsorum cursui resistitur.

Calcei nimis angusti valetudini valde nocent, non solum enim homo ingenti dolore saepius iis cruciatur, verum etiam claripedes et anchylosis oriuntur. Necesse est igitur, si bene apta pedique accommodata calceamenta habere cupias, sui quisque pedis formam gerat. Nec minus nocet, postica parte nimis altos calceos gestare, quod major pelvis in anterius, minor vero in posterius proclinatur, eoque partui edendo ingens affertur molestia. Ocreae chirothecaeque pelliceae valetudini aequo detimento sunt.

Nimis arcta tibialium vincula sanguinis circulum prohibent, in superiori arteriarum parte, quarum tunicae extenduntur, fit haesitatio, eoque modo aneurismata nascuntur. Humoribus vero lymphaticis infra vincturam haesitantibus et resorptione nimis tenui pedum oedemati ansa datur.

Monilia ex incognitorum hominum capillis texta jam saepius ulcera conspectasque in collo pustulas genuerunt.

Vela floribus intextis gestandi mos quoque est, praesertimque superioris ordinis feminae hisce utuntur, quid damni oculis, praecipue debilibus, hoc adferat, ignarae. Inaequalis inde fit luminis divisio videndique facultas interrupta debilitatur. Nigri coloris vela aestate maxime inutilia; tantum enim abest, ut in solis radiis rejiciendis, quem potissimum in usum adhibentur, operam navent, ut potius eos excipient, cutemque nigro colore magis deformant, ac si omnino deessent.

Sectio III.

De virorum vestibus, corpori damnosis.

Galeri pellicei (Pelzmützen) tempore hiemis usitatī, noxii sunt, sanguinem ad caput adlicientes, praecipue ceteris corporis partibus mediocriter vestitis, congestionem, apoplexiā, in iis, qui in hunc morbum dispositi sunt, inflammationē oculorum, odontalgiam, ut brevi dicam, morbos quoscunque a congestionē sanguinis oriundos pariunt. Quo pertinent etiam tegumenta e pilis (Perücken), quorum vis nocens saepissime materiam morbosam, quae comis alienis interdum inest, auget.

Pilei nigri solis radios nimium attrahunt, et
graviores majori damno sunt.

Non solum inter milites, sed etiam inter alios
homines mos obtinuit, collum fascia cingendi.
Quos ritus non solum incommodos, sed etiam
admodum damnosos esse apparet; impeditur enim
sanguinis refluxus; congestiones, vel adeo apople-
xia in hominibus robustis et plethoricis efficiun-
tur, praecipue in iis, quorum negotia poscunt,
ut multum sedeant, quippe cum eorum caput
pronum sese inclinet, quod malum spirituorum
usu augeri potest. Multo melior liber colli vesti-
tus est, nisi aliae causae, ut struma, fascias de-
siderent.

Nostris temporibus in multis Germaniae
partibus juventus virilis vestes mulierum
imitari coepit, perditorum temporum magis,
quam morum meliorum testes. Quae imitatio
consistit in gerundis strophiis, ut vestimenta ipsa
stricta et angusta appareant, formosaque corpus
utatur forma. Quantopere hic a naturae fine aber-
ratur, cum vir liber non ligneae figurae instar
apparere debet; senes, sed sero poenitet juvenilis
et levis ambitionis. Qui morbi strophiis gignan-
tur, supra in sect. I demonstravi.

Femoralia nimis angusta multis modis morbos efficiunt; non solum sanguinis circulationem et nervos impediunt, sed et sistema musculorum iis ipsis afficitur. Desinit libera motio, et sensim major rigiditas apparet, in artibus in ankylosin quandam sese mutans, et juvenem seni rigido similem efficiens. Ratione sanguinis braccae breviores, super genu adligatae, magni sunt momenti, affluxum sanguinis per iscelidum modo impedientes atque aneurismata gignentes.

Una cum femoralibus angustis conjunctae esse solent fasciae bracciarum (Hosenträger) quae, ut illa elegantem prae se ferant speciem, valde intenduntur. Quibus prementibus homines thoracem prorsum proclinare assuescunt, quo pectus introrsum et dorsum extrorsum flectitur. Sic oritur gibbositas, simulque asthma et dolor pectoris etc. Quodsi fasciis bracciarum uti velis, ut femoralia sustineantur, solutas, quantum fieri potest, elasticas, et nec in antica parte, nec a tergo crucis instar esse oportet.

Femoralia angusta insuper super umbilico nunquam non fibulari solent, ut vel illa sine fasciis sustineantur, vel formosior corpori forma detur; quo vero omnia abdominis viscera superne de-

primuntur, res non solum digestioni noxia, sed saepissime etiam herniam gignunt. Qui vestitus omnium maxime pueris damnosus est, quorum corpus nondum ad maturitatem pervenit, quorum annulus abdominalis vix fere clausus, ita ut viscera, minima vi facta, facillime testes per vix clausum annulum sequantur. Quodsi huic rei accedat causa occasionalis e. c. flexus quidam retrorsum factus, lapsus, plaga etc herniam continuo oriri non mirum sane est; quam eandem ob causam in hominibus inferioris ordinis maximos labores fibulatis femoralibus conficientes saepissime conspicimus.

Sectio IV.

De noxio utriusque generis habitu.

Huc pertinet, quod supra de calceis dictum est.

Indusia linteae corpori haud salubria sunt, vi electrica carent, atque e corpore calorem et transpirationem eliciunt, sed nullo modo volatilem reddunt; quae cum atmosphaera facillime penetrare possit, transpirationem procedentem mutat in aquam, quam sudorem dicimus, quem indusia

lintea fugiunt, neque vero volatilem reddunt, res corpori admodum damnosā, sudore frigescente, vel parte ejus a corpore iterum insucta; unde rheumatismi et catarrhi oriuntur. Linteis multo meliora sunt indusia ex erioxylo confēcta, quae sudorem fugiunt eumque volatilem reddunt.

Idem vel majus damnum nobis adferunt tibialia lintea, cum pedes, continuo sudori dispositi, damnosis materiebus excernendis sunt occupati, quae si resorbentur, variis morbis occasionem dant, porroque diutius euntium pedes et praesertim quidem tenuiores valde premunt. Praferenda sunt igitur iis e gossypio, lanaque parata.

Longa caesarie incedendi mos minime salutaris habendus, magnum enim est incomodum, et transpiratio eo modo valde prohibetur. Infantibus igitur praecipue insalutare est, comatos incedere, cum tanta damnosarum materiarum copia ex eorum corpore excernatur; quibus vero repulsi caput pustulis obduci necesse est, quod in hominibus inferioris ordinis, qui majori semper in immundicie versantur, praecipue nobis occurrere debet. Quo capillorum tegmento praeterea sanguinis in caput congestio adjuvatur; quare fit, ut sexus muliebris capitis doloribus saepissime ve-

xetur, quod tamen tam saepe non in iis reperitur malum, quorum coma soluta pendet, ut aëri aditus permissus sit.

Laxae et ampliae vestes pueris optimae, nullum corporis partem prementes, maxime enim productio et incrementum in iis est, quae impediiri non debent. Admodum noxium igitur est, si infantes tibialibus et calceis induuntur. Infantiae tempore praeterfluxo calcei gestandi sunt, paululum ampliores et longiores pedibus, et vestitus levus esse oportet, nec capitis tegumentum nigrum. Durante corporis incremento amplus et solutus vestitus optimus, nam non solum commodus est, sed et corpus corroborat, quod magis magisque frigidulo coelo assuescens pro ipsa partium suarum libertate agilitatem quandam accipiet. Majorem vero aetatem ingresso homini vestes mediocriter angustae prosunt, calefacentes corpus, calore indigens; nimis arctis vero vestibus membra et artus nimium impestive rigescunt. Vestimentum coelo conveniens esse debet, aestivo tempore non nimium calefaciens, hiemali non admodum refrigerans. Magna et vestimentorum consuetudinis vis est, ita ut feminæ, quas debiliores et molliores viris habere solemus, preferendo frigori

magis assueverint, quam viri. Quodsi frigidulis
vestibus frigori assuescere velis, non modum ex-
cedas, nec repente, sed sensim sensimque facere
pergas, repentinam enim vestium mutationem
nunquam non morbi gravissimi sequuntur; atta-
men vir in perferendo frigore feminae praestet.
Aestivo tempore corporis vestitus albus atrum
praecedit, hoc enim solis radios nimis *attrahente*,
hiemique aptiore.

CURRICULUM VITAE
EX DECRETO
GRATIOSAE FACULTATIS MEDICAE
BEROLINENSIS

A D I E C T U M.

Ego Christophorus Guilielmus Kaminsky, anno MDCCXCIV Verdae natus, tenerae tantum aetatis annos fui apud parentes meos. A patruo meo, Sundiis habitante, sum receptus. Gymnasium, quod hacce in urbe Ill. D. Furchau moderante floret, frequenteravi. Cujus viri ceterorumque virorum doctissimorum, qui huic gymnasio praesunt, opera et studio ad ingenium animumque excoldendum eo perveni, ut anno MDCCCXII universitatem literarum Gryphiswaldensem adire potuerim. Praeceptoribus ibi doctissimis illustrissimis gavisus sum hisce: in philosophia Overkamp et Parow, in mathesi physiceque Droysen, in methodology medica, botanice, chemia tam theoretica quam

practica, mineralogia, pharmacia, materia medica de Weigel, in zoologia Quistorp, in anatomia, in cadaveribus secundis, physiologia Warnekros, in diaetetice Mende, in pathologia generali et in chirurgia de Haselberg. Sesquiennium Gryphiae commoratus Goettingam me contuli, ubi hisce viris Illustrissimis doctissimis praceptoribus usus sum: in anatomia Hempel et Langenbeck, in chirurgia et in cadaveribus secundis Langenbeck, in pathologia et therapia tam generali quam speciali Himly, in arte obstetricia Osiander. Bello cum Gallis renovato, ad Hannoveranorum exercitum artem medicam exercitus me contuli. Bello finito, Berolinum conversus, hic praceptoribus dottissimis illustrissimis garcisus sum: in anatomia Knape, Rudolphi et Rosenthal, in pathologia et therapia speciali Horn, in ophthalmatrice Busse, in institutionibus clinicis Hufeland et Horn, iu akiurgia et in institutionibus chirurgicis Graefe. Tentamine examineque rigoroso coram gratiosa facultate peractis, nihil impedimenti futurum esse spero, quominus post solemnem dissertationis defensionem Doctoris medicinae et chirurgiae in me conferantur honores.

THESES DEFENDENDAE.

I.

Dentitio nullius morbi est causa.

II.

Inflammationem pleurae ab inflammatione pulmonum durante vita haud dignoscere possumus.

III.

Curatio localis scabiei in initio hujus morbi minime nocet.

IV.

Tussis convulsiva non est inflammatio.

ET NOVITATEM & EXCELSITATEM

ALIAS QUAESTIO TERTIA CLEMENTE.

Alioquin etiam quod est deinde exponitur
etiam postea exponitur quod est deinde exponitur

etiam postea exponitur quod est deinde exponitur